

Saksprotokoll i Utval for kultur, idrett og regional utvikling - 11.11.2015

Geir Kjell Andersland (V) sette fram slikt forslag til vedtak:

«Nyt pkt. 2.

Det vert ikkje gjeve konsesjon på område «Klovning» og område «Utfatet sør» då vurdering er at områda må vente på planavklaring ved rullering av kommuneplanen sin arealdel.»

Nytt pkt. 8.

8. konsesjon gjeld til 2017 med mogleg å forlenge til 2020 i samband med rullering av kommuneplan i Bømlo kommune.»

Røysting

Andersland sitt forslag til nytt pkt. 2 fekk 1 røyst (V) og fall mot rådmannen sitt forslag til pkt.2 som fekk 12 røyster.

Andersland sitt forslag til nytt pkt. 8 fekk 1 røyst (V) og fall mot rådmannen sitt forslag til pkt.8 som fekk 12 røyster.

Fylkesrådmannen sitt forslag vart elles samrøystes vedteke.

Vedtak

1. I medhald av LOV 1963-06-21 nr 12: *Lov om vitenskapelig utforskning og undersøkelse etter og utnyttelse av andre undersjøiske naturforekomster enn petroleumsforekomster*, får Boston AS konsesjon for opptak av skjelsand frå områda "Nordøyane" og "Utfatet sør" i Bømlo kommune.
2. Det vert ikkje gitt konsesjon på området "Klovning" då vurderinga er at området må vente på planavklaring ved rullering av kommuneplanen sin arealdel.
3. Årleg opptak av massar frå området Nordøyane er inntil 10.000 m³, og frå Utfatet sør inntil 8.000 m³.
4. Det er ikkje tillate med opptak av massar frå konsesjonsområda i perioden 15. juli til 15. september av omsyn til ærfugl i mytetida.
5. Ved opptak av skjelsand frå området "Nordøyane" må ein vere spesielt merksam på det automatisk freda kulturminnet ved Hespriholmen aust for konsesjonsområdet, så skjelsandopptak ikkje skjer utanfor konsesjonsområdet eller fører til utrasing.
6. For området Utfatet sør kan det ikkje takast opp skjelsand før det eventuelt ligg føre løyve frå Bergens Sjøfartsmuseum etter at det er gjennomført ei marinarknologisk undersøking som kravd av museet.
7. For området Utfatet sør kan det heller ikkje takast opp skjelsand før det er gitt løyve til tiltaket etter Hamne- og farvasslova § 27.
8. Konsesjonen gjeld til 20.03.2020.
9. Konsesjonen vert elles gitt på dei vanlege vilkåra for skjelsandkonsesjonar som vil framgå av konsesjonsdokumentet i samsvar med sentralt rundskriv av 1.4.93